

醫

燈

續

焰

五

中國醫學大成第三集

診斷類

醫

燈

續

焰

五

上海大東書局印行

醫燈續焰

明 錢塘·王 紹 隆 著

明 錢塘 潘 楫 碩甫註

明 錢塘 王佐賢 聖翼評

鄞縣 曹赤電 炳章校

卷十一

水病脈證第七十

脈得諸沉。責其有水。浮氣與風。沉石或裏。沉數為陽。沉遲為陰。浮大出厄。虛小可驚。

據正文水氣有四。曰氣水。曰風水。曰石水。曰裏水。金匱要略多皮水。正水。黃汗。無氣水。裏水。而氣水裏水。又各突見一條於後。豈以皮水即氣水。與風水之脈皆浮者。皆為表水。而以正水。石水。黃汗之脈皆沉者。皆為裏水者乎。其脈雖諸種不一。而沉則在在皆兼。即氣水風水之在表

素問云
水入於
經其血

乃成靈樞云經水者受水而行水之則知水為血之本若不能化為血則停留成患隨所在而見症矣設能化則自行經道何厄之有

目裏屬脾土若水勝則土衰故目下腫大目裏上微擁

而脈應浮者亦必有沉沉欲下之勢。蓋沉下者水之性也。以狀言。浮則以位言耳。若沉而數。乃為陽水。證必兼陽而熱多。沉而遲。乃為陰水。證必兼陰而寒多。水脈浮大。水氣渙散。災厄將出之象。水脈虛小。則正衰邪存。誠可驚也。金匱要略曰。風水其脈自浮。外證骨節疼痛。惡風。又云。脈浮而洪。浮則為風。洪則為氣。風氣相搏。風強則為癰疹。身體為癢。癢為泄風。久為痲癩。氣強則為水。難以俛仰。風氣相擊。身體洪腫。汗出乃愈。惡風則虛。此為風水。不惡風者。小便通利。上焦有寒。其口多涎。此為黃汗。又云。寸口脈沉滑者。中有水氣。面目腫大。有熱。名曰風水。視人之目裏上。微擁如蠶。新臥起狀。其頸脈動。時時欬。按其手足上。陷而不起者。風水。又云。太陽病。脈浮而緊。法當骨節疼痛。反不疼。身體反重而痠。其人不渴。汗出即愈。此為風水。惡寒者。此為極虛。發汗得之。渴而不惡寒者。此為皮水。身腫而冷。狀如周痺。胸中窒。不能食。反聚痛。暮躁不得眠。此為黃汗。痛在骨節。欬而喘。不渴者。此為脾脹。其狀如厥。發汗即愈。然諸病此者。渴而下利。小便數者。皆不可發汗。又云。風水脈浮。身重。汗

為風水
學者當
知

佑賢曰
氣也水
也血也
分而有
三其有
源一也
水渙為

出惡風者。防己黃耆湯主之。腹痛加芍藥。又云。風水惡風。一身悉腫。脈浮不渴。續自汗出。無大熱。越婢湯主之。皮水。其脈亦浮。外證胛腫。按之沒指。不惡風。其腹如鼓。不渴。當發其汗。又云。皮水為病。四肢腫。水氣在皮膚中。四肢聶聶動者。防己茯苓湯主之。又云。厥而皮水者。蒲灰散主之。正水。其脈沉遲。外證自喘。石水。其脈自沉。外證腹滿不喘。黃汗其脈久不愈必致癰腫裏水者。一身面目黃腫。其脈沉。小便不利。故令病水。假如小便自利。此亡津液。故令渴也。越婢加朮湯主之。甘草麻黃湯亦主之。又云。心水者。其身重而少氣。不得臥。煩而躁。其人陰腫。宜防己當歸散肝水者。其腹大。不能自轉側。脇下腹痛。時時津液微生。小便續通。宜分氣補心湯肺水者。其身腫。小便難。時時鴨塘。宜分氣香蘇飲導脾水者。其腹大。四肢苦重。津液不生。但苦少氣。小便難。宜胃苓湯調胃類腎水者。其腹大。臍腫腰痛。不得溺。陰下濕。如牛鼻上汗。其足逆冷。面反瘦。宜金匱腎氣丸又云。寸口脈沉而遲。沉則為水。遲則為寒。寒水相搏。趺陽脈伏。水穀不化。脾氣衰。則鶩塘。胃氣衰。則身腫。少陽脈卑。少

氣入停
水入赤
心變血
則為血
故奪血
者無汗
汗多者
亡陽也
即氣也
能知此
義則血
分氣分
之病治
不難矣

陰脈細。男子則小便不利。婦人則經水不通。經為血。血不利則為水。名曰血分。宜調榮散四製又云。寸口脈遲而濇。遲則為寒。濇為血不足。跌陽脈微而遲。微則為氣。遲則為寒。寒氣不足。則手足逆冷。手足逆冷。則榮衛不利。榮衛不利。則腹滿。脇鳴相逐。氣轉膀胱。榮衛俱勞。陽氣不通。即身冷。陰氣不通。即骨疼。陽前通。則惡寒。陰氣通。則痺不仁。陰陽相得。其氣乃行。大氣一轉。其氣乃散。實則失氣。虛則遺尿。名曰氣分。宜防已實脾飲復元丹之類又云。氣分。心下堅大如盤。邊如旋杯。水飲所作。桂枝去芍藥加麻辛附子湯主之。又云。心下堅大如盤。邊如旋盤。水飲所作。枳朮湯主之。旋圓也。杯高於盤。盤大於杯。此杯盤之異。應皆水飲聚結。又云。水之為病。其脈沉小。屬少陰。浮者為風。無水。虛脹者為氣。水發其汗。即已。脈沉者。宜麻黃附子湯。浮者。宜杏子湯。又云。病者苦水。面目四肢身體皆腫。小便不利。脈之不言水。反言胸中痛。氣上衝咽。狀如炙轡。當微欬喘。審如師言。其脈何類。師曰。寸口脈沉而緊。沉為水。緊為寒。沉緊相搏。結在關元。始時當微。年盛不覺。陽衰之後。榮衛相干。陽損陰盛。結寒微動。腎氣上衝。喉咽塞噎。脇下

急痛。醫以爲留飲而大下之。氣擊不去。其病不除。後重吐之。胃家虛煩。咽燥欲飲水。小便不利。水穀不化。面目手足浮腫。又與葶藶丸下水。當時如小差。食飲過度。腫復如前。胸脇苦滿。象如奔豚。其水洋溢。則浮欬喘逆。當先攻擊衝氣令止。乃治欬。欬止。其喘自差。先治新病。病當在後。宜全價腎氣丸。又云。跌陽脈當伏。今反緊。本自有寒疝瘕。腹中痛。醫反下之。下之。卽胸滿短氣。又云。跌陽脈當伏。今反數。本自有熱消穀。小便數。今反不利。此欲作水。又云。寸口脈浮而遲。浮脈則熱。遲脈則潛。熱潛相搏。名曰沉。跌陽脈浮而數。浮脈卽熱。數脈卽止。熱止相搏。名曰伏。沉伏相搏。名曰水。沉則絡脈虛。伏則小便難。虛難相搏。水走皮膚。卽爲水矣。又云。寸口脈弦而緊。弦則衛氣不行。緊卽惡寒。水不沾流。走於腸間。又云。少陰脈緊而沉。緊則爲痛。沉則爲水。小便卽難。脈得諸沉。當責有水。身體腫重。水病脈出者死。脈出者脈出腎少陰之部水源。泛濫而散欲其歸源不可得矣。又云。夫水病人。目下有臥蠶。面目鮮澤。脈伏。其人消渴。病水腹大。小便不利。其脈沉絕者。有水。可下之。又云。病下利後。渴飲水。小便不利。腹滿因腫者。何也。答曰。

腰以上
為陽當
發汗謂
之開鬼
門腰以
下為陰
當利小
便謂之
潔淨府
此大法

三藏作
用得失
說得最
精須熟
玩之

*本在腎
末在肺
乃水之

此法當病水。若小便自利。及汗出者。自當愈。又云。諸有水者。腰以下腫。當利小便。腰以上腫。當發汗。乃愈。以上金匱論水病之寒熱虛實表裏陰陽藏府氣血。雖有種種。然約而言之。總不外腎脾肺三藏。為之原始也。蓋腎居下焦。屬水。統攝陰液。為水之宗本。右為相火。火以濟寒。故水得以宣揚也。脾居中焦。屬土。合肌肉。為水之隄防。主化穀生津。津生不窮。故水得以灌溉也。肺居上焦。屬金。主氣。為水之化源。行榮衛而出治節。故水得以通調也。人或房室勞倦。憂思恐懼。飲食起居。各以類傷其藏。而藏氣虛。虛則各失其職。而水液之常道紊矣。在腎則不能統攝宣揚。而停蓄。在脾則不能隄防灌溉。而濫行。在肺則不能生化通調。而壅閉。况脾與胃合。胃又倚腎為關。關門不利。則水聚。利則必由於氣化。是肺又為腎關之所倚也。故素問水熱穴論曰。其本在腎。其末在肺。皆聚水也。右仲景治水方法。皆以脈證為本。而後量其輕重虛實。治之百無一失。世俗淺醫。欲求急效。動以破氣去水為正治。不知暫寬一二。腫滿續至。坐視其死者比比。可勝悼哉。後學當不厭其繁。而一惟以靈素金

源流治
水方法
認此體

匱爲準。斯得之矣。準繩云。腫病不一。或徧身腫。或四肢腫。面腫。脚腫。皆謂之水氣。然有陽水。有陰水。並可先用五皮飲。或除濕湯。加木瓜。腹皮各半錢。如未效。繼以四磨飲。徧身腫。煩渴。小便赤澀。大便多閉。此屬陽水。輕宜四磨飲。添磨生枳殼。兼進保和丸。重則疏鑿飲。子利之。以通爲度。亦有雖煩渴而大便已利者。此不可更利。宜用五苓散。加木通。大腹皮半錢。以通小便。徧身腫。不煩渴。大便自調。或澹泄。小便雖少而不赤澀。此屬陰水。宜實脾飲。小便多少如常。有時赤。有時不赤。至晚則微赤。却無滯滯者。亦屬陰也。不可遽補。木香流氣飲。繼進復元丹。若大便不澀。氣息脹滿。宜四磨飲。下黑錫丹。四肢腫。謂之肢腫。宜五皮飲。加薑黃。木瓜各一錢。或四磨飲。或用白朮三兩。咬咀。每服半兩。水一盞半。大棗三枚。拍破。同煎至九分。去滓溫服。日三。無時。各大棗湯。面獨腫。蘇子降氣湯。兼氣急者尤宜。或煎熟去滓後。更磨沉香一呷。有一身之間。惟面與雙脚浮腫。早則面甚。晚則脚甚。經云。面腫爲風。脚腫爲水。乃風濕所致。須問其大小腸通閉。別其陰陽二證。前後用藥。惟除

濕湯。加木瓜、腹皮、白芷各半錢。可通用。或以蘇子降氣湯、除濕湯。各半貼煎之。羅謙甫導滯通經湯。治面目手足浮腫。感濕而腫者。其身雖腫。而腰下至脚尤腫。腿脹滿尤甚於身。氣或急或不急。大便或澹或不澹。但宜通利小便為佳。煎五苓散。吞木瓜丸。內犯牽牛亦不可輕服。間進除濕湯。加木瓜、腹皮各半錢。炒萊菔子七分半。因氣而腫者。其脈沉伏。或腹脹。或喘急。宜分氣香蘇飲。飲食所傷而腫。或胸滿。或噯氣。宜消導寬中湯。不服水土而腫者。胃苓湯。加味五皮湯。有患生瘡。用乾瘡藥太早。致徧身腫。宜消風敗毒散。若大便不通。升麻和氣散。若大便如常。或自利。當導其氣。自小便出。宜五皮飲。加生料五苓散。腹若腫。只在下。宜除濕湯。和生料五苓散。加木瓜、澤瀉之類。已上數條。為有餘之證。大病後浮腫。此係脾虛。宜加味六君子湯。白朮三錢。人參、黃耆各一錢半。白茯苓二錢。陳皮、半夏、芍藥、木瓜各一錢。炙甘草、大腹皮、木香各五分。薑棗煎服。小便不利。間入五苓散。有脾肺虛弱。不能通調水道者。宜用補中益氣湯。補脾肺。六味丸補腎。有心火尅肺金。不能

佑賢曰
有外感
不得汗
微者久
之生瘡
為邪出
路不知
者反傳
以藥則
邪閉成
腫不能
外達甚

則膨脹
喘滿而
死者慎

引症精
詳集方
備悉搜
奇索隱
無遺漏
矣

生腎水。以致小便不利而成水證者。宜人參平肺散。若腎經陰虧。虛火爍肺。金而小便不生者。用六味地黃丸以補腎水。用補中益氣湯以培脾土。脾肺腎之氣交通。則水穀自然尅化。二經既虛。漸成水脹。又誤用行氣分利之藥。以致小便不利。喘急痰盛。已成蠱證。宜加減金匱腎氣丸主之。已上數條。為不足之證。不足者。正氣不足。有餘者。邪氣有餘。凡邪之所湊。必正氣虛也。故以治不足之法。治有餘。則可以治有餘之法。治不足。則不可。潔古法。如水腫因氣為腫者。加橘皮。因濕為腫者。煎防己黃耆湯。調五苓散。因熱為腫者。入正散。如火熱燥肺為腫者。乃絕水之源也。當清肺除燥。水自生矣。於梔子豉湯中加黃芩。如熱在下焦。陰消使氣不得化者。當益陰而陽氣自化。黃蘗黃連是也。如水脹之病。當開鬼門。潔淨府也。白茯苓湯主之。白茯苓湯能變水。白茯苓澤瀉各二兩。郁李仁五錢。水一碗。煎至一半。生薑自然汁入藥。常服無時。從少至多。服五七日後。覺腹下再腫。治以白朮散。白朮澤瀉各半兩。為末。煎服三錢。或丸亦可。煎茯苓湯下三十九。以黃耆芍

腫脹之
疾禁忌
須嚴

藥建中湯之類調養之。平復後忌房室、猪魚鹽麵等物。香菇熬膏。丸如桐子大。每服五丸。日三。漸增。以小便利爲度。冬瓜不限多少。任喫。鯉魚一頭。重一斤已上者。煮熟。取汁和冬瓜葱白作羹食之。青頭鴨。或白鴨。治如食法。細切和米并五味煮熟作粥。食之。宜空腹時進。昔人論水病。知經義者。固惟仲景一人。近世何柏齋、張景岳二論。亦庶幾焉。故附錄於左。柏齋曰。造化之機。水火而已。宜平不宜偏。宜交不宜分。水爲濕。爲寒。火爲燥。爲熱。火性炎上。水性潤下。故火宜在下。水宜在上。則易交也。交則爲既濟。不交則爲未濟。不交之極。則分離而死矣。消渴證。不交而火偏盛也。水氣證。不交而水偏勝也。制其偏而使之交。則治之之法也。小火不能化大水。故必先瀉其水。後補其火。開鬼門。瀉在表在上之水也。潔淨府。瀉在裏在下之水也。水勢既減。然後用煖藥以補元氣。使水火交。則用藥之次第也。又云。盧氏以水腫隸肝腎胃而不及脾。丹溪非之似矣。然實則皆非也。蓋造化生物。天地水火而已矣。主之者天也。成之者地也。故曰乾知太始。坤作成物。至於天地交合變化之

用。則水火二氣也。天運水火之氣於地之中。則物生矣。然水火不可偏盛。太旱物不生。火偏盛也。太澇物亦不生。水偏盛也。水火和平。則物生矣。此自然之理也。人之藏府。以脾胃爲主。蓋飲食皆入於胃而運以脾。猶地之土也。然脾胃能化食與否。實由於水火二氣。非脾胃所能也。火盛。則脾胃燥。水盛。則脾胃濕。皆不能化物。乃生諸病。水腫之證。蓋水盛而火不能化也。火衰。則不能化水。故水之入於脾胃者。皆滲入血脈骨肉。血亦化水。肉發腫脹。皆自然之理也。導去其水。使水少減。復補其火。使二氣平和。則病去矣。丹溪謂脾失運化。由肝木侮脾。乃欲清心經之火。使肺金得令。以制肝木。則脾土全運化之職。水自順道。乃不爲腫。其詞迂而不切。故書此辯之。

景岳曰。愚按腫脹一證。觀靈樞脹論之義。則五藏六府。無不有之。再考諸篇。如脈要精微論曰。胃脈實。氣有餘。則脹。邪氣藏府病形篇曰。胃病者。腹膜脹。胃脘當心而痛。本神篇曰。脾氣實。則腹脹。涇洩不利。陰陽應象大論曰。濁氣在上。則生膜脹。此皆實脹也。太陰陽明論曰。飲食起居

失節入五藏。則膜滿閉塞。經別篇曰。足太陰之別。公孫虛則鼓脹。皆虛脹也。經脈篇曰。胃中寒。則脹滿。異法方宜論曰。藏寒生滿病。風論曰。胃風鬲塞不通。腹善脹。失衣則膜脹。此皆寒脹也。陰陽別論曰。二陰一陽發病。善脹心滿。診要經終論曰。手少陰終者。腹脹閉。足太陰終者。腹脹閉。此心脾受傷之脹也。此外如六元正紀。至真要大等論。有云。太陰所至。爲身重脚腫。及土鬱之發。太陰之初氣。太陰之勝復。皆濕勝之腫脹也。有曰。水運之太過。有曰。寒勝則浮。有曰。太陽之司天。太陽之勝復。皆寒勝之腫脹也。有曰。少陰之司天。少陰之勝復。少陽之司天。少陽之勝復。有曰。熱勝則腫。皆火勝之腫脹也。有曰。厥陰之司天在泉。厥陰之復。有曰。陽明之復。是皆水邪侮土。及金氣反勝之腫脹也。觀此。則不惟五藏六府。卽五運六氣。亦無不皆有是病。然至真要大論曰。諸濕腫滿。皆屬於脾。水熱穴論曰。其本在腎。其末在肺。皆聚水也。又曰。腎者胃之關也。關門不利。故聚水而從其類也。由此言之。則諸經雖皆有脹。然無不關於脾肺腎三藏。蓋脾屬土。主運化。肺屬金。主氣。腎屬水。主五液。凡五

爲識病
捷法

氣所化之液。悉屬於腎。五液所行之氣。悉屬於肺。轉輸於二藏之中。以制水生金者。悉屬於脾。所以腫脹之生。無不由此三者。但證有陰陽虛實。如諸論之所云者。不可不辨。大都陽證多熱。熱者多實。陰證多寒。寒者多虛。先脹於內而後及於外者多實。先腫於表而後甚於裏者多虛。小便黃赤。大便秘結者多實。小水清白。大便稀溏者多虛。脈滑數有力者多實。弦浮微細者多虛。形色紅黃。氣息麤長者多實。容顏憔悴。音聲短促者多虛。凡是實證。必由六淫有餘傷其外。或飲食怒氣傷其內。故致氣道不行。三焦壅閉。此則多在氣分。無處不到。故不分部位而多通身浮腫。又或氣實於中。則爲單腹脹急。然陽邪急速。其至必暴。每成於旬日數日之間。此惟少壯者多有之。但破其結氣。利其壅滯。則病無不愈。此治實之道也。若是虛證。必由五志積勞。或酒色過度。傷其脾腎。日積月累。其來有漸。此等病候。多染於中年之外。其形證脈氣。必有虛寒之候。顯然可察。非若實證之暴至。而邪熱壅結。肝氣悍逆之有因也。治實者。本無所難。最難者在治虛耳。然虛有在氣者。有水者。在氣者。以

在氣不

能升清
降濁在
血不能
上下分
消

立齋用
六味丸
資水化
源用火
味資火
化源正
是此義

脾氣虛寒。不能運化。所謂氣虛中滿者是也。在水者。以脾虛不能制水。則寒水反侮脾土。泛濫為邪。其始也。必從陰分。漸次而升。按肉如泥。腫有分界。所謂水鼓水脹者是也。然水雖制於脾。而實主於腎。蓋腎本水藏。而元陽生氣所由出。若腎中陽虛。則命門火衰。既不能自制陰寒。又不能溫養脾土。陰陽不得其正。則化而為邪。夫氣即火也。精即水也。氣之與水。本為同類。但在於化與不化耳。故陽王。則化而精能為氣。陽衰。則不化而水即為邪。凡火盛水虧。則病燥。水盛火虧。則病濕。故火不能化。則陰不從陽。而精氣皆化為水。所以水腫之證。多屬陽虛。故曰寒脹多。熱脹少也。然觀丹溪之治腫脹。云清濁相混。隧道壅塞。而為熱。熱留為濕。濕熱相生。遂成脹滿。治宜補其脾。又須養肺金以制木。使脾無賊邪之患。滋腎水以制火。使肺得清化之令。其說重在濕熱。而猶以制火為言。夫制火固可保金。獨不慮其不生土乎。若以此法。施於陽實而熱者。則可。若以治陽虛而氣不化者。豈不反助陰邪。而益其病哉。故予之治腫脹。審其果係實邪。則直清陽明。除之極易。凡屬虛勞內損者。多從

古人有探治之法。故有慎之戒。

溫補脾腎而愈。俱得復元。或臨證之際。有虛實未明。疑似難決者。則寧先以治不足之法。探治有餘。若果未投而病反加甚。是不宜補也。不妨易轍。自無大害。倘藥未及病而病自甚者。其輕重真假。仍宜詳察。若誤以治有餘之法。治不足。而曾經峻攻者。真氣復傷。雖神丹不能療也。或從清利。暫見平復。使不大補脾腎。以培根本。雖愈目前。未有不危亡踵至者。此治虛之道也。水脹之病。多有標實本虛。最為危機。若辨之不慎。禍人非淺。

附方

仲景防己黃耆湯見第六十七

仲景越婢湯 加朮四兩。即越婢加朮湯。

麻黃六兩 石膏半斤 生薑三片 大棗十五枚

甘草二兩

水六升。先煮麻黃。去上沫。內諸藥。煮三升。分溫三服。

防己茯苓湯

防己 黃耆 桂枝 茯苓 各三兩

甘草 二兩

水六升。煮二升。分溫三服。

蒲灰散

蒲灰 一兩七錢 石 五錢

右杵為散。飲服方寸匕。日二服。

甘草麻黃湯

甘草 二兩 麻黃 四兩

水五升。先煮麻黃。去上沫。內甘草。煮三升。溫服一升。重覆汗出。不汗再服。慎風寒。

當歸散 水腫之疾。多由腎氣不能攝養心火。心火不能滋養脾土。故土不制水。水氣盈溢。氣脈閉塞。滲透經絡。發為浮腫。心腹堅脹。喘滿不安。

當歸 桂心 木香 赤茯苓

木通 檳榔 赤芍藥 牡丹皮

陳皮 白朮 各一錢 三分

水二鍾。紫蘇五葉。木瓜一片。煎一鍾。不拘時服。

分氣補心湯 治心氣鬱發為四肢浮腫。上氣喘急。

木通 川芎 前胡 去苗 大腹皮 炮

青皮 白朮 枳殼 麸炒 甘草 炙各

香附 去毛 炒 白茯苓 桔梗 各半 細辛

木香 各五分

水二鍾。薑三片。紅棗二枚。煎一鍾。食前服。

分氣香蘇飲

桑白皮 炒 陳皮 茯苓 大腹皮

香附 炒各一錢 紫蘇 半錢 桔梗 枳殼 各八分

草果仁 七分 五味子 粒十五

水二鍾。薑三片。煎八分。入鹽少許。食前服。

導水茯苓湯 治水腫。頭面手足徧身腫如爛瓜。手按而陷。手起隨高。喘

滿倚息不能轉側不能倒臥飲食不下小便祕澀溺出如割或如黑豆汗諸藥不效用此即愈。

赤茯苓 麥門冬去心 澤瀉 白朮各三兩

桑白皮 紫蘇 檳榔 木瓜各一兩

大腹皮 陳皮 砂仁 木香各半

右呖咀每服半兩水二盞燈草二十五根煎八分去滓空心服如病重者可用藥五兩再加去心門冬二兩燈草半兩水一斗於砂鍋內熬一大碗再下小銚內煎至一大盞五更空心服滓再煎服連進三服小水自利一日添如一日。

胃苓湯見第七

元戎調胃白朮澤瀉散 治痰病化為水氣傳為水鼓不能食。

白朮 澤瀉 芍藥 陳皮

茯苓 生薑 木香 檳榔各等分

右為末水煎服。一法加白朮治臍腹上腫如神。心下痞者加枳實下盛。

者加牽牛。

金匱八味丸見第十六

濟生腎氣丸。治腎虛脾弱。腰重脚腫。小便不利。或肚腹腫脹。或喘急痰盛。已成蠱證。其效如神。此證多因脾胃虛弱。治失其宜。元氣復傷而變者。非此不救。

熟地黃四兩

薯蕷一兩

山茱萸一兩

澤瀉一兩

茯苓三兩

牡丹皮一兩

肉桂一兩

附子炮五錢

牛膝一兩

車前子一兩

右末。煉蜜丸如桐子大。每服七八十九丸。空心米飲下。

調榮飲。治瘀血留滯化爲水。四肢浮腫。皮肉赤紋。各血分。

蓬朮

川芎

當歸

延胡索

白芷

檳榔

陳皮

赤芍藥

桑白皮炒

大腹皮

赤茯苓

葶藶炒

瞿麥各一錢

大黃半錢

細辛

官桂

甘草炙各五分

作一服。水二鍾。薑三片。紅棗二枚。煎一鍾。食前服。

四製香附丸 治婦人女子經候不調。

香附浸去皮一斤分作四分酒浸一分鹽水浸一分童便浸一分醋浸一分各三日焙乾

右為細末。醋糊丸如桐子大。每服七十丸。空心食前溫酒下。香附子血

也開鬱行氣而血自調何病不廖婦人宜常服之

濟生寶脾飲 治陰水發腫。用此先寶脾土。

厚朴去皮 白朮 木瓜去穰 大腹子

附子炮 木香不見 草果仁 白茯苓去皮

乾薑炮各一兩 甘草炙半兩

右咬咀。每服四錢。水一盞。薑五片。棗一枚。煎七分。不拘時溫服。

復元丹見第六十四

桂枝去芍藥加麻黃附子細辛湯

桂枝 生薑各三兩 甘草一兩 大棗十二枚

佑賢曰 香附質 堅多毛 而氣勝 為肺家 專藥故 助肺氣 以行榮 衛是經 婦女宜 水悉宜 之四製 法更精

佑賢曰
用氣藥
治水要
知氣行
則水行
一補一
消有體
有用此
方之所
以立也

麻黃

細辛各二兩

附子炮一枚

右以水七升。先煮麻黃。去上沫。內諸藥。煮取二升。分溫三服。當汗出。如蟲行皮中。即愈。

金匱枳朮湯

枳實七枚

白朮二兩

右咬咀。以水五升。煮取三升。分溫三服。腹中軟。即當散也。

麻黃附子湯

麻黃三兩

甘草二兩

附子炮一枚

水七升。先煮麻黃。去上沫。內二味。煮取二升半。溫服八合。日三服。

葶藶丸 治肺氣欬嗽。面目浮腫。喘促不安。小便赤色。

甜葶藶隔紙炒

貝母煨黃

木通各一兩

杏仁去皮尖炒

防己各二兩

為末。棗肉丸如桐子大。每服五十丸。桑皮煎湯。食前下。

和劑五皮散 治風濕客於脾經。氣血凝滯。致面目虛浮。四肢腫滿。心腹

膨脹。上氣喘急。兼治皮水妊娠胎水。

五加皮

地骨皮

生薑皮

大腹皮

茯苓皮

各等分
亦磨沉香木香入服

右咬咀。每服三錢。水一盞。煎七分。熱服無時。

除濕湯

見第二十一

濟生四磨湯

治七情感傷。上氣喘悶不食。

人參

檳榔

沉香

天台烏藥

右四味。各濃磨水。取七分。煎三五沸。放溫。空心服。或下養正丹尤佳。

濟生疏鑿子飲。治水氣。浮腫喘急。煩躁多渴。大小便不利。服熱藥不得者。

澤瀉

商陸

赤小豆炒

羌活

去蘆

大腹皮

椒目

木通

秦艽

去蘆

茯苓皮

檳榔各等分

右咬咀。每四錢。水一盞。薑五片。煎七分。空心服。

五苓散見第十七

和劑木香流氣飲。治諸氣痞塞不通。胸膈膨膈。面目虛浮。四肢腫滿。口

苦咽乾。大小便秘。

半夏湯洗七次

紫蘇去梗 香附子去毛

肉桂去麋皮 蓬莪朮煨

木通去節 藿香葉

白朮 乾木瓜

右咬咀。每服四錢。水一盞半。薑三片。棗二枚。煎七分。熱服。

和劑黑錫丹。治痰氣壅塞。上盛下虛。心火炎盛。腎水枯竭。一應下虛之

證。及婦人血海久冷無子。赤白帶下。

沉香 葫蘆巴酒浸

肉桂半兩 破故紙 附子炮

木香 金鈴子 硫黃 陽起石研細水飛

黑錫去滓秤 烏菟煨 肉豆蔻麵裹

右用黑蠶。或新鐵銚內。如常法結黑錫硫黃砂子。地上出火毒。研極細。餘藥細末和勻。自朝至暮。以研至黑光色為度。酒糊丸如桐子大。陰乾。入布袋內。擦令光瑩。每四十九丸。空心鹽薑湯。或棗湯下。女人艾棗湯下。和劑蘇子降氣湯。治虛陽上攻。氣不升降。上盛下虛。痰涎壅盛。胸膈噎塞。并久年肺氣至效。

紫蘇子炒

半

夏湯泡各二錢半前

胡去蘆

甘

草炙

厚

朴去皮薑製炒

陳

皮去白各一錢

川當歸去蘆半錢

沉

香七分

水二鍾。薑三片。煎一鍾。不拘時服。虛冷久加桂五分。黃耆一錢。

寶鑑導滯通經湯 治脾濕有餘。及氣不宣通。面目手足浮腫。

木香

白朮

桑白皮

陳皮

茯苓各等分

右咬咀。每五錢。水二盞。煎一盞。去滓。溫服。空心食前。內經云。濕淫所勝。

平以苦熱。以苦燥之。以淡泄之。陳皮苦溫。理肺氣。去氣滯。故以為主。桑

皮甘寒。去肺中水氣。水腫臃脹。利水道。故以為佐。木香苦辛溫。除肺中

佑賢曰
有白朮
而曰導
滯通經
血藥云
通經其
意有在
之可細
思

滯氣。白朮苦甘溫。能除溼和中。以苦燥之。白茯苓甘平。能止渴除濕。利小便。以淡滲之。故以為使也。

和劑木瓜圓。治腎經虛弱下攻。腰膝沉重少力。腿脚腫癢。疔破生瘡。脚心癢痛。筋脈拘攣。或腰膝緩弱。步履艱難。舉動喘促。面色黧黑。大小便秘澁。飲食減少。無問久新。並宜服之。

熟地黄洗焙 陳皮去白 烏藥各四兩 黑牽牛炒三兩

石楠藤 杏仁去皮 當歸 菴蓉酒浸

乾木瓜 續斷 牛膝酒浸各二兩 赤芍藥一兩

右為細末。酒糊為圓。如桐子大。空心木瓜湯吞三五十圓。溫酒亦得。

消導寬中湯

白朮五分錢 枳實麸炒 厚朴薑製 陳皮

半夏 山查肉 茯苓 神麩炒

麥芽炒 蘿蔔子炒各一錢

水二鍾。薑三片。煎八分。小便不利加猪苓釋瀉

加味五皮湯 卽五皮散。脚腫加五加皮、木瓜、防己。不服水土。入胃荅湯。
消風敗毒散

人參 獨活 柴胡 桔梗

枳殼麩炒 羌活 茯苓 川芎

前胡 甘草 荆芥 防風各一錢

水二鍾。薑三片。煎八分。食遠服。

和劑升麻和氣散

乾薑五分 乾葛一兩 大黃蒸半兩 熟枳殼五分

桔梗 熟蒼朮 升麻各一兩 芍藥七錢半

陳皮 甘草各半兩 當歸 熟半夏

白芷 茯苓各二錢

每服四錢。水一盞。薑三片。燈心十莖。煎七分。食前溫服。

補中益氣湯見第三十九

六味丸見第六

佑賢曰
言受熱
則知非
肺家自
生之熱
故方中
用人參
五味

東垣人參平肺散 治肺受熱而喘。

桑白皮炒二

知母半錢

甘草炙

茯苓

人參

地骨皮

天門冬去心各

青皮

陳皮各六分

五味子三十粒

水二鍾。生薑五片。煎一鍾。食遠溫服。如熱。加黃芩、薄荷葉。各一錢。

八正散見第四十九

梔子豉湯

梔子十四枚炒

香豉四合

傷寒汗吐下後。虛煩不得眠。心中懊懣者。此方主之。汗吐下之後。正氣不足。邪氣乘虛而結于胸中。故煩熱懊懣。煩熱者。煩擾而熱。懊懣者。懊惱懷悶也。梔子味苦。能湧吐熱邪。香豉氣腐。能剋制熱勢。所謂苦勝熱。腐勝焦也。是方也。惟吐無形之虛煩則可。若用之以去實。則非梔子所能宣矣。宣實者。以瓜蒂散主之。

醫燈續焰 卷十一 水病脈證第七十

醫燈續焰

明 錢塘 王 紹 隆 著

明 錢塘 潘 楫 碩 甫 註

明 錢塘 王 佑 賢 聖 翼 評

鄞縣 曹 赤 電 炳 章 校

卷十一

脹滿脈證第七十一

脹滿脈弦。土制於木，濕熱數洪。陰寒遲弱。浮為虛滿。緊則中實。浮大可治。虛小危極。

滿乃脹
之漸
乃滿
之極

脹。謂脹於外。滿。謂滿於中。排藏府而廓胸脇。急皮膚而露筋脈。臍凸腰圓。鼓之如鼓。胸腹之疾也。間亦有脹及於頭面四肢者。與水腫大同小異。而此則無水耳。大抵飲食不節。起居失宜。房室過勞。憂思無極。久久

陽在內
陰之守
也

皆足以耗其守陰。衰其陽運。致氣壅滯留中。而脹滿之疾漸起矣。故實者少。虛者多。熱者少。寒者多。成於他藏府者少。成於脾胃者多。蓋虛則氣空浮。故易鼓而大。寒則氣凝滯。故易壅而堅。脾胃居中。以胸腹為宮城。屬土而化濕。性緩氣屯。故亦易脹易滿。此但言其常耳。至若五藏六府盛衰之脹。五運六氣勝負之脹。有實者。有熱者。有成於他藏府者。又不能以此數端盡也。在圓機者。自為審別。再宜參看張景岳水脹一論。斯得之矣。靈樞諸脹。則有本神篇所云。腎氣實則脹。而更加以實其為。言可知。經脈篇所云。胃病。則大腹水腫。胃屬土而主中焦。土病不能。云。胃中寒。則脹滿。而壅塞。故又云。足太陰虛。則鼓脹。則不運。不運則脹。虛則空。故邪氣藏府。病形篇所云。三焦病者。腹氣滿。小腹尤堅。不得小便。窘急。溢則水留。即為脹候。在足太陽之外大絡。三焦主氣。為遊行之。行阻故病。如是在太陽。熱病篇所云。男子如蠱。女子如沮。蠱者。蠱毒也。者。三焦聯絡膀胱耳。熱病篇所云。男子如蠱。女子如沮。蠱者。蠱毒也。阻者。阻也。阻滯如懷。素問諸脹。則有脈解篇所云。太陰所謂病脹者。太。孕皆形。容腹之大。故曰病脹。實故病如是。大奇論所云。陰子也。十一月。萬物氣皆藏於中。故曰病脹。實故病如是。大奇論所云。

肝滿。肺滿。腎滿。皆實。卽爲腫。肺之壅。喘而兩胛滿。肝壅。兩胛滿。臥則驚。不得小便。腎壅。胛下至少腹滿。脛有大小。脾胛大跛。易偏枯。肺主氣而
肝主驚。主疏泄而經兩胛。腎經脛與脾胛而少腹。乃其部分。故肺壅
實則氣喘而兩胛滿。肝壅實則胛滿。臥驚而艱小便。腎壅實則少腹滿而
脛脾胛大。調經論所云。志有餘則腹脹。志爲腎所藏。有餘則實。實則
脈破偏枯。大要精微論所云。胃氣實則脹。口下循腹裏實。則經脈臑湧。故脹。陰陽
應象大論所云。中滿者。瀉之於內。中滿實則從內瀉之。如攻下之類。若
審又云。濁氣在上。則生膜脹。降而陰滯於上。膜脹生焉。生氣通天論所
云。因於氣爲腫。四維相代。陽氣乃竭。氣者榮衛藏府之氣也。流行如常
而形種於外。四維乃人之四肢。爲諸陽之本。更代俱病。陽氣不
從此衰竭乎。卽本篇所云。失之則外壅。肌肉衛氣散解之義。太陰陽
明論所云。飲食不節。起居不時者。陰受之。陰受之。則入五藏。入五藏。則
膜滿閉塞。飲食起居爲內傷。內傷則陰受之。平人氣象論所云。盛而緊
曰脹。此言脹病之脈也。或則氣實異法。方宜論所云。藏寒生滿病。此言
生於方土也。北土地寒。乳酪爲食。五常政大論所云。適寒涼者脹。此言
外寒斂而內滯。膩故滿病生焉。往寒涼之處。外刺熱篇所云。下牙車爲腹滿。此言外部之色。應腹中而
閉內鬱故脹。外刺熱篇所云。下牙車爲腹滿。知脹滿也。牙車卽牙床。轉

虛滿則
有時而
減

動之虞。牙車之下。正應腹中。腹脹者。牙車下。金匱要略論諸脹滿有云。當見青白色。青白為寒。寒則凝滯。故脹也。

跌陽脈微弦。法當腹滿。不滿者。必便難。兩胛疼痛。此虛寒從下上也。以

溫藥服之。微弦之脈。陽不能運。腹自當滿。設不滿。亦當便難。兩胛痛。正

也。服以溫藥。則能通。能運。而愈矣。如枳實理中湯之類。又云。病者脹滿。按之不痛。為虛。痛者為實。

可下之。舌黃未下者。下之黃自去。正虛於內。按以實其虛。故不痛。又云。

腹滿時減。復如故。此為寒。當與溫藥。得暖必減。如理中。又云。病腹滿。發

熱十日。脈浮而數。飲食如故。厚朴七物湯主之。又云。按之心下滿痛者。

此為實也。當下之。滿痛者。為何物。宜大柴胡湯。又云。腹滿不減。減不

足言。當須下之。宜大柴胡湯。已上諸脹諸滿。雖種種不同。然而無一不

關於脾胃者。蓋脾胃者。土也。居中而溉四藏。胸腹乃其城府。胸腹脹滿。

猶城府崩裂。未有城府崩裂。而土能獨全者。有諸中。形諸外。此必然之

理也。脈若見弦。知木來侮土。更為不吉。若見數洪。必濕熱之鬱。若見遲

弱。乃陰寒所凝。浮則氣散。外雖滿而中必虛。緊則氣斂。外固堅而中更

實。浮而大者。元氣之振作。與病形相宜。故云可治。虛而小者。知元氣之

按之堅
氣鼓之
也推之
移病無
根也註
云氣病
血未病
妙妙

腫脹五
傷者死
昏黑傷
肝缺盆
平傷心

衰微。又與病形相反。故云危極。外有腸覃石瘕二種。女子之病也。寶鑑言之甚詳。以其類乎脹滿。故附錄於此。腸覃者。寒氣客於腸外。與衛氣相搏。氣不得榮。因有所繫。癥而內着。惡氣乃起。瘕肉乃生。其始生也。大如雞卵。稍以益大。至其成。如懷子之狀。久者離歲。按之則堅。推之則移。月事以時下。此其候也。夫腸者。大腸也。覃者。延也。大腸以傳導為事。乃今寒客於大腸。故衛氣不榮。有所繫止。而結瘕在內。貼着其延。久不已。是名腸覃也。氣散則清氣聚。則濁結為瘕。聚所以惡氣發起。瘕肉乃生。小漸益大。至期而鼓。其腹如懷子之狀也。此氣病而血未病。故月事石不斷。應時而下。本非妊娠。可以此為辨矣。疝露丸。木香通氣散。主之。石瘕者。生於胞中。寒氣客於子門。子門閉塞。氣不得通。惡血當瀉。不瀉。疝以留止。日以益大。狀如懷子。月事不以時下。皆生於女子。可導而下。膀胱為津液之府。氣化則能出焉。今寒客於子門。則氣塞而不通。血壅而不流。疝以留止。結硬如石。是名石瘕也。此病先氣病而後血病。故月事不來。則可宣導而下。出者。也。難經云。任之為病。其內少精。男子為七疝。女子為瘕聚。此之謂也。非大辛之劑。不能已也。可服見曉丸。和血通經。湯諸脹滿病。腹脹身熱。或腹大脹。四末清。脫形泄甚。或腹脹便血。其脈大時絕。或嘔欬。腹脹且飧洩。其脈絕。或面黑齒長而垢。腹脹閉。上下不通。或腹脹不得息。善噫善嘔。嘔則逆。逆則面赤。不逆則上下不通。